




南軒先生文集卷第一

廣漢張拭敬夫著

知州後學繆輔之刊



詞

風雩亭詞

嶽麓書院之南有層丘焉於登覽為曠建安劉公
命作亭其上以為青衿遊息之地廣漢張某名以
風雩又繫以詞

眷麓山之回隩有紘誦之一宮鬱青林兮對起背絕
壁之穹窿獨樵牧之往來委榛莽其蒙茸試芟夷而

卻視翕衆景之來宗擢連娟之脩竹森偃蹇之喬松
山靡靡以旁圍谷窈窈而潛通翾兩翼兮前張擁千
麾兮後從帶湘江之浮渌矗遠岫兮橫空何地靈之
久閱昉經始乎今公恍棟宇之宏開列闌楮之周重
撫勝槩以獨出信茲山之有逢予揆名而諏義爰遠
取於舞雩之風昔洙泗之諸子侍函丈以從容因聖
師之有問各跼陳其所秉獨點也之操志與二三子
兮不同方舍瑟而鏗然諒其樂之素克味所陳之紆
餘夫何有於事功蓋不忘而不助示何始而何終于
鸞飛而魚躍寔天理之中庸覺周虞之遺烈儼洋洋
乎目中惟天子之所與豈虛言之是崇嗟學 兮今
此邈千載以希蹤希蹤兮柰何盡務勉兮敬恭審操
舍兮斯須禦戒懼兮冥濛防物變之外誘遺氣習之
內証浸私意之脫落自本心之昭融斯昔人之妙旨
可實得於予躬循點也之 頌氏之深工登斯
亭而有感期用力於無窮

謁陶唐帝廟詞

宋淳熙四年靜江守臣張某既新陶唐帝祠以二
月甲子率官屬祇謁祠下再拜稽首退而歌曰
溪交流兮谷幽山作屏兮層丘承偃蹇兮枝相樛皇

胡爲兮于此留謁冠佩兮充庭紫芳馨兮載陳紀衣
兮在御東風吹兮物爲春皇之仁兮其天四時敘兮
何言出門兮四顧渺宇宙兮茫然

公安竹林祠迎神送神樂章

神之來兮何訥風蕭蕭兮吹雨悄悄屏氣兮若思儼覓
旌兮來下昔公車之自南民望車以款馭今乘駒兮
入廟亦孔悲兮若初秋月兮皎皎嚴霜兮凜凜澤終
古兮何窮噫微管吾其左衽酌荆江以爲醴兮攝衆
芳以爲羞歌鳴鳴兮鼓坎坎惠我民爲此留神之去
河所游風颯颯挾歸軌倏昭明兮上征撫一氣兮橫

九州有新兮斯宇竹森森其在戶嗟我民兮勿傷公
時來兮一顧有新兮斯堂竹猗猗其在旁嗟我民兮
勿替公顧民兮不忘

賦

遂初堂賦

洛陽石伯元作堂於所居之北榜曰遂初廣漢張
某爲之辭曰

皇降衷于下民兮粵惟其常猗於穆而難名兮惟生
之良翕衆美而具存兮不顯其光襍孩提而知愛親
兮豈外鑠繫中藏年燁燁而寢長兮紛事物之交相

非元聖之生知兮懼日遠而日忘緣氣稟之所偏兮
橫流始夫濫觴感以動兮不止乃厥初之或戕既志
帥之莫御氣決驟以翱翔六情放而曷禦百骸施而
孰強自青陽而逆旅暨黃髮以茫茫儻矍然於中道
盍反求於厥初厥初如何夫豈遠歟彼匍匐以向井
我惻隱之拳如驗端倪之所發識大體之權輿如寐
而聰如迷而途知睨視之匪遐乃本心之不渝嗚呼
予既知其然兮予惟以遂之若火始然而泉始達兮
惟不息以終之予視兮毋流予聽兮毋從予言兮毋
易予動兮以躬惟自反兮于理茲日新兮不窮逮充
實而輝光信天資之本同極神存而過化亘萬世以
常通嗚呼此義文之所謂復而顏氏之子所以爲道
學之宗也歟吾友石君築室湘城伊抗志之甚遠揭
華榜以惟新命下交兮勿固演妙理以旁陳探上古
之眇微得斯說於遺經謂非迂而匪異試隱几而一
聽然則茲其爲遂初也又豈孫興公所能望洋而瞠
塵者乎

後祀菊賦

張子爲江陵之數月時方中春草木敷榮經行郡圃
意有所欣非花柳之是問眷杞菊之青青爰命采掇

付之庖人汲清泉以細烹屏五味而不親其脆可口
蔚其芳馨蓋日爲之加飯而它物幾不足以前陳飯
已捫腹得意謳吟客有問者曰異哉先生之嗜此也
昔坡公之在膠西值黨禁之方興嘆齋厨之蕭條乃
攬乎草木之英今先生當無事之世據方伯之位校
吏奔走願指如意廣屢延賓毬場享士清酒百壺鼎
臠俎載宰夫奏刀各獻其技顧無求而弗獲雖醉飽
其何忌而乃樂從夫野人之餐豈亦下取乎葑菲不
然得無近於矯激有同於脫粟布被者乎張子笑而
應之曰天壤之間孰爲正味厚或腊毒淡乃其至從

香豹胎徒取詭異山鮮海錯紛糾莫計苟滋味之或
偏在六府而成贅極口腹之所欲初何出乎一美惟
祀與菊中和所萃微勁不苦滑甘靡滯非若他蔬善
嘔走水既瞭目而安神復沃煩而蕩穢驗南陽與西
河又頽齡之可制此其爲功曷可殫紀况於膏粱之
習貧賤則廢雋永之求不得則志茲隨寓之必有雖
約居而足恃殆將與之終身又可貽夫同志子獨不
見吾納湖之陰乎雪消壤肥其茸菱蕤與子婆娑薄
言掇之石鉞尾梳啜汁咀菴高論唐虞詠歌書詩嗟
乎微斯物孰同先生之歸於是相屬而歌殆日晏以

志飢

古詩

送八兄

彌旬積雨穗生耳冬壑未渠收潦水圍爐情話政爾
佳乃復歸舟行萬里二年百感以湘城風急鶴鷄原
上情豈無他人意獨負每覺軟語溫如春少年銳氣
凌八區晚以樂義稱鄉閭聞人有急若已如天報兩
子雙明珠小隱卜築蘭溪邊修篁喬木今參天是非
榮辱不到處卷書一揭清晝眠人言壽骨隱脩眉慶
事鼎鼎供期頤豈惟宗族託軌範政倚晚節增光輝

有弟有弟復何爲社門讀書入謂癡故山未遂掃松
頭江頭獨立送歸時

五士游嶽麓圖

閉門六月汗如雨出門褫襪紛塵土文書堆案曲肱
臥夢逐征鴻過前浦西山突兀不可忘勇往政須求
快睹朝暎未升起微風中流呶啞挾鳴櫓長林秀色
已在望有如出語見肝腑意行愛此松陰直眼明還
喜碑字古高低梵釋著幽居深隱仙家開闕宇忽看
官牆高十丈學宮峩峩起鄒魯斯文政倚講磨切石
室重新豈無補危梯徑上不作難橫欄截出可卜俯

惟茲翼軫一都會往事繁華雜歌舞變遷迭覆寧重
論昔日樓室連宿莽邇來人物頗還舊豈止十年此
生聚泉流涓涓日循除革表何時鶴來語炎氣知不
到山林茗盃蒲團對香縷鼎來杖屨皆勝引季也亦
復同步武洛陽年少空白頭三閭大夫浪自苦一笑
便覺真理存高談豈畏丞卿怒不圖畫僧聖得知貌
與兒童作夸詡請君爲我添草堂風雨蕭蕭守環堵
次韻伯承見簡探梅之什且約人日同遊城東
江湖漫浪歲年晚雖有梅花誰寄遠城中可入獨吳
郎不惜日力供徃返東郭杖頭玉雪明下有清淺溪

流橫新春好趣茗前約莫待飄零空作惡

張安國約同賦仇氏壘甕酒

人間炎熱不可耐君家甕頭春未央想當醉臥求
日夢遶清淮歸故鄉後生那得識此酒從君乞方還
肯否徽州作賦爲歛歛荊州詩來端起予

李仁父寄茯苓酥賦長句謝之

崑峨山中千歲松枝虬幹直摩青空雪霜剝落中不
槁膏液下與靈泉通龜跼鳧伏自磊砢金堅玉潔仍
豐融篝明夜取喜得雋煮鼎朝聽如吟風杵成坐上
看飛雪更和酪乳收全功當知至味本無味子若服

南軒文集卷一
七
之壽莫窮巽巖脊梁硬如鐵冠峩切雲佩明月百好
都隨春夢空大藥獨傳鴻寶訣中宵咀嚼不搖頭玉
池生肥燕不徹憐我百慮形蚤衰曩贈扶持意何切
丹砂着根謾爾傳脂澤釀黍計已拙由来妙道初不
煩此法莫從見輩說徑思舉袂揖浮丘下視塵世真
一呖朱顏留得亦何爲追逐同堅歲寒節

和吳伯承

一葦湘可航風濤逮春深裴臺咫尺地勇往復雨淫
窓前幾紅藥悅首如不禁悠悠覽物化了了知予心
卜鄰得佳士問學方駸駸端如雲間鶴不受塵埃侵

應門有長鬚杖策許相尋匪爲食有魚把楸采牆陰
聽我清廟詩三歎看餘音洋洋百世下斯道豈陸沉
君言有本源發端自泠泠願君勉勿替抱膝試長吟
儻臻名教樂何必懷山林新詩尚來嗣庶以貽規箴
用前韻送彪德美

嘗嗜貴知味短綆難汲深讀書不能發但自成書淫
况復翻異說潢流渺難禁豈知言意外妙此惟微心
初無古今異歲月謾駸駸五峯講學地嘆息風雨侵
前時約同途舊遊愴追尋鳴鳳不可見修竹餘清陰
斯文天未喪千載發韶音春風滿天宇魚鳥自飛沉

古軒文集卷一
八
河流貫霄極介丹膠寸涪神交獨吾子妙處但微吟
文會匪易得未應歸故林君無泉石癖膏盲詎須箴
再用前韻

元化首萬類聖學極幾深有如亞聖賢尚謹殆與淫
淺見僅一斑歡喜不自禁豈知天地全於穆千聖心
嗟哉我學子進道宜駸駸立志務弘毅異說毋交侵
仁端驗發見精微試探尋超然見大體皎日破重陰
重新鄒魯傳挽回韶濩音當年不自勉與物終堙沉
神龍倏變化豈復顧泥淦有來南山友更唱共迭吟
羣林欲封殖杞梓看成林慇懃勸學子逆耳成良箴

采菊亭

并引

陶靖節人品甚高晉宋諸人所未易及讀其詩可
見胷次灑落八窓玲瓏豈野馬遊塵所能棲集也
前建安丞張君精力未衰即掛冠家于瀏陽有年
矣葺小園爲亭面南山來求予名予名之曰采菊
取靖節所謂采菊東籬下悠然見南山嗚呼靖節
興寄深遠特可爲識者道耳

陶公千載入高標跨餘子豈無濟時念歛蔭獨知止
歸來臥衡門無愠復何喜九日天氣佳東籬擷芳蕊
舉頭見南山佳處政在此地偏心則遠意得道豈否

南華文集卷一
九
張侯謝銀魚築室娛燕几小亭才尋丈景物自新美
頗聞雙瞳清亦復強步履不妨數登臨倚杖看雲起
高詠悠然篇飛鳴送千里

送楊廷秀

自吾友若人歎息恨不早相逢未出語已足慰懷抱
寒窓逾浹旬百慮略傾倒霜晴不畱客別語詎能好
不盡此時情梅邊試深討

又

昔人忘言處可到不可會還須心眼親未許一理蓋
辭章抑爲餘子已得其最當知鄒魯傳有在文字外

又

平生風雨夕每念名節難窮冬百草歇手自種琅玕
吾子三十策字字起三嘆豈欲求人知正自一心丹
請哦碩人詩匪爲樂考槃

送鮮于大任入成都幕

虜馬昔飲江扁舟憶同鶩翁方爲國謀客以名義故
安危匪前料得失渠異趣淮壩渺風雪王事有程度
息偃多在床君車不停駐初無作難色所立詎愆素
嗟我吳門別風木歲徂暮相逢復湘城往事忍回顧
獨餘後凋心特立凜不懼莫邪雖云利寧作囊錐露

善藏要有待小試隨所寓終無缺折虞豈但走孤兔
吾州得良牧民力或可裕本根賴封殖疆索費調護
從容試長思取急無窘步作別忽草草懷抱復誰付
他時下瞿唐訪我林下屨儻於功名餘更講未後句

同遊嶽麓分韻得洗字

遊觀不作難呼舟度清泚新晴宿潦淨羣山政如洗
上方着危欄萬象見根底寒泉自可斟况復雜肴醴
高談下夕陽邂逅玄鑰啓中流發浩歌月色在波底

送張深道

秋風木葉落送客塵譙東豈懷兒女戀愛此趣味同

至理無轍迹妙在日用中聞言有不信渠自馬牛尸
吾子實所畏立志高冥鴻卓然遊聖門不受異說訐
切磋豈不樂愧非斲鼻工於皇太極蘊精微浩無窮
頌言終玩繹默參元化功

人言底柱險袖手不敢邇孰知人心危毫釐千萬里
有來事物繁酬酢無波靡雖云應不難要且辨真偽
良知本且直天機驗所起涵濡自日新日新乃無蔽
聖學非空言要領故在此吾子端發源所進渺涯涘
我雖念不敏詎敢忘所止後會儻有時深功同舉似

留題金山寺

長江岷山來灌注天下半東行近海門勇往更瀟漫
蒼巒忽中流屹立助傑觀孤根入層淵秀色連兩岸
我來最竒絕霜月與璀璨褰衣到絕頂恍若上河漢
悠然發遐思俯仰爲三嘆乾坤無餘藏今古有長筭
更深寂羣動樹杪獨鳴鶴回頭喚山僧爲記此公案

送范西叔教授西歸

乃祖至和間忠謀書鼎彝但知陛下聖豈知吾言危
元祐愛君語讀者猶涕泐典刑今不亡盛德故在茲
歲晚子過我秀若齋房芝持身蹈規矩出語無瑕疵
向來長安道詎肯舍靈龜萬里一泮宮行囊幾新詩

湘山足幽勝而水清漣漪登臨豈不樂邂逅撈榆思
我懶抱僻學絕絃理朱絲子獨慕千載悠然契心期
豈不爲我留感此飾物移臨岐撫陳編爲子三噫嘻
高深涼何極循求有端倪願言勉事此爽葉光前規
王長沙梅園分韻得林字

令君五畝園不問蓬蒿深江梅忽秀發邂逅成賞音
一笑領諸客掃地坐墻陰清芳到酒面落蓋飄衣襟
月出未忍去起舞獨微吟人自賞晤耳問花亦何心
花雖有開落意則無古今須君戒勿折嘉賓看成林

送邵懷英赴召

自君之西來吾徒獲三益匪惟欣晤言望見意已適
俯仰歲再更交情共金石翩然別我去寧復得此客
諸公有推轂詔下函傳驛嘉言久填膏往覲天咫尺
豈其湘水邊而可滯六翮雖深惜別思敢後天下責
嗟哉善利途鷄鳴分舜蹠浮雲起毫釐乃有泰山隲
持身與謀國茲義貫於一君侯天資高遇事無逼迫
所立凜不回舉手謝物役保此方寸印勿受一塵隙
廓然麗昭回萬象歸指畫富貴豈君心事業迨往昔
贈言不能工庶以求無斁

倍安國舍人勞農北郊分韻得闌字

寒收花尚瘦風靜江不湍元戎肅千騎歷覽無留難
好景要徐出微雲故遮闌惟春布嘉惠公豈樂遊觀
龐眉八十老扶杖來蹒跚去年幸一稔何以報長官
酌酒公自勞得無有愁嘆嗟哉三章約所貴簡且寬
黃堂載清靜自覺田里安須公出妙語茲遊記不刊
安國晚酌葵軒分韻得成字

桐花三月寒風雨滿江城使君晚被酒千騎過友生
名談宿霧捲送氣孤雲橫揮斥看墨妙笑語皆詩成
人物有如此爾輩賴主盟更呼南鄰客共此樽酒傾
愛我庭下竹頭角方崢嶸未懷冰雪姿寧復世俗情

新篇一泫被凡木不足程願言謹封殖歲晚長敷榮
安國置酒敬簡堂分韻得柳暗六春字

桴鼓息荒村襍榭盛南畝永日省文書呼客共樽酒
主人出塵姿宛是靈和柳行歸帝所遊此地豈淹久
公卧百尺樓餘子可下瞰我每奉談塵汲古得深探
身外皆爲餘此道要無憾從渠梅雨天陰晴遞明暗
公憎孔壬面恠石乃寓目夜堂發深藏林立驚滿屋
我亦苦嗜此一見下風伏何當載而歸妙策三十六
堂下列絲竹堂上娛佳賓相看夜未艾樂此笑語真
風流今屬公我輩但逡巡文章千古意翰墨四時春

同元晦擇之遊嶽道遇大雪馬上作

驅車望衡嶽羣山政參差微風忽南來雲幕爲四垂
炙官挾蓐收從以萬玉妃庭熒亦何有尺璧仍珠璣
竒貨吾敢居妙意良自知林巒倏變化轍迹平高低
喬松與脩竹錯立呈瑰姿清新足邀寄浩蕩多餘思
平生湘南道未省有此竒况復得佳友晤言相追隨
茅簷舉杯酒旅榻誦新詩更約登絕頂同觀霽色時
詩送元晦尊兄

君侯起南服豪氣蓋九州頃登文石陛忠言動宸旒
坐令蔽利場縮頸仍包羞却來卧衡門無愧白日休

南軒先生文集卷第一
一四
盡收湖海氣仰希洙泗游不遠關山阻爲我再月留
遺經得紬繹心事兩綢繆超然會太極眼底無全牛
惟茲斷金友出處寧殊謀南山對床語匪爲林壑幽
白雲政在望歸袂風颺颺朝來出別語已抱離索憂
妙質貴強矯精微更窮搜毫釐有弗察體用豈周流
驅車萬里道中途可停輶勉哉共無斁邈矣追前修
遊南嶽風雪未已決策登山用春風樓韻

人言南山巔煙雲聳樓觀俯瞰了坤倪仰攀接天漢
勇往愧未能長吟湘水畔茲來渺邈思風雪豈中斷
行行重行行敢起自畫嘆我聞精神交石裂冰可泮
陰沴驅層霄杲日麗旭旦決策君勿疑此理或通貫

南軒先生文集卷第二

古詩

陪舍人允過陳仲思溪亭深有買山下鄰之意
舍人允預以顛壑見名因成古詩贈仲思

築居湘水濱歲月亦已久寧知負郭東勝處入君手
回環烟塢深有此溪十畝朝暎穿林薄荷氣薰戶牖
堂堂吾州牧下馬喚賓友主人故喜事一笑具殺鞞
沒泉泛崇蓮洗醖傾穉酒淋漓壁間書自可傳不朽
我獨留薄莫並溪時矯首人言君不偶此豈落人後
觀君眉宇間似亦挾所有隔溪更幽絕古木蔭高阜

却立望遙岑四序列鍾鼎買山吾計決便欲剪榛莠
居然顯一壑豈羨印如斗未知鄰家翁還肯見容否

送然姪西歸二

堂堂希白翁共惟同出自百年詩禮傳名教有樂地
嗟予力未勝未抱蓼莪意積累蓋百艱承家豈云易
惕然履淵冰中夜耿不寐協心望爾曹勉力紹前志
歲晚期有成庶或保無墜

自予來見我倏焉十六秋一聞沂上音此意便綢繆
中間豈不別會合同轉頭今茲舍我去萬里不復留
豈不能挽子懼子為親憂六月送歸船我思與悠悠

愛子剛毅資不作繞指柔願子進問學琢磨須自修
居然知見廣百病會有瘳誰謂道云遠行矣當深求

送黃子默

元祐不復見太史今諸孫人物尚論世典刑故猶存
酣歌拓金戟三年佐雄藩超然車馬中高韻獨孤騫
衣懷白鷗盟脩竹滿故園得句見眉睫外慕何足言
顧以感知已跋馬向修門朝開英俊途王度待討論
小試翰林手乘槎薄崑崙我懶卧衡麓秋風擷蘭蓀
交遊歎益落拭目看騰掀冕豈足貴政爾名義尊
執手念相聞此意古所敦

過胡文定公碧泉書堂

入門認溪碧循流識深源念我昔此來及今七寒暄
人事幾更變寒花故猶存堂堂武夷翁道義世所尊
永袖霖雨手琴書賁丘園當時經行地尚想語笑溫
愛此亭下水固若玻瓈盆晴看浪花湧靜見潛鱗翻
朝昏遞日月俯仰鑑乾坤因之發深感倚檻更忘言
次韻德美碧泉感舊之什且約胡廣仲伯逢季

丘來會上封

相逢傾蓋地回首嘆川上士窮不足怪但喜氣愈王
凜然歲寒姿儒林有龍象棲遲似隱君矍鑠真詩將

惟應一彈指欲了四大藏舊習想冰消豈復留餘恙
新篇更紆餘和氣與醞釀却思東魯遊幾載南陽葬
風霜摧宰木日月隨過浪豈期經世心晚歲成獨往
蕭然屋半欹使我懷抱愴獨有千載傳此事可憑仗
細觀宇宙間何得復何喪尚期浮雲開衡嶽來見狀
秋壑采蘭蓀霜林收栗橡曉看日浮空夜賞雪侵帳
更憐二三友前山屹相望文友儻來尋勝踐天所相
妙理須細論長歌却雄放褰裳請勿疑當仁應不讓

自西園登山

雨後溪重碧木落山增明西風肅羣物感此秋氣清

振衣千崖表俯瞰萬籟生匪云幽遐慕政爾未忘情
路出祝融背仰見上封寺遂登絕頂

我尋西園路徑上上封寺竹輿不留行及此秋容霽
磴危霜葉滑林空山果墜崇蘭供清芬深壑遞幽吹
不知山益高但覺冷侵袂路回屹陰崖突兀聳蒼翠
故應祝融尊群峰拱而侍金碧雖在眼勇往詎容憇
絕頂極遐觀脚力聊一試昔遊冰雪中未盡登臨意
茲來天宇肅舉目淨纖翳遠邇無遁形高低同一視
求惟元化功清濁分萬類運行有機緘浩蕩見根抵
此理復何窮臨風但三喟

中夜祝融觀月

披衣凜中夜起步祝融巔何許冰雪輪皎皎飛上天
清光正在手空明浩無邊群峯儼環列玉樹生瓊田
白雲起我旁兩腋風翩翩舉酒發浩歌萬籟爲寂然
寄言平生友誦我山中篇

晨鍾動雷池望日

浮言列下陳天淨澄秋容朝暎何處升彷彿認微紅
須臾眩衆采閭闔開九重金鉦忽湧出晃蕩浮雙瞳
乾坤豁呈露群物光芒中誰知雷池景乃與日觀同
徒傾葵藿心再拜御曉風

道旁見穫者

腰鎌聲相呼十百南畝穫婦持黍漿饋幼稚走雀躍
辛勤既百爲幸此歲不惡王租敢不供大室趣逋約
雖云粒米多未辦了升龠姑寬目前飢詎有卒歲樂
樂歲尚爾爲一歎更何託書生獨多憂何以救民瘼
臘後一日尋梅東門外馬上遇雪

羸驂出東郭靜與幽意期尋梅冷入眼野路信新之
寒萼靳未吐我自愛橫枝雪花忽排空成此一陵詩
歲晚故人關天寒鴻鴈稀南國少霜霰北山多巖嶽
坐看節物改莫遣心事違角中風獵獵日暮獨吟歸

雪中登樓分韻得未字

南州冬多溫一雪已可貴今年臘三白故足蘇品彙
朝來並危欄舉酒聊自慰翩翩着客衣漠漠亂雲氣
珪璧滿天地造物初不費更邀二三友晤賞見風味
燭至僕尚更酒苦飲亦既仍遣探梅花已折南枝未
笋脯一平馳寄因和去歲詩爲一笑春笋未盛
尚續致也

權門極珍羞未辦食龍肉我家湘楚山籜龍飫奴僕
淮南戶戶有黃蘗公今徑歸亦不癡更包笋脯贈行
李定應笑殺長安兒

湖南使者邵公召赴在所寓客張某敬賦以餞
行李

公來使湘州氣象日淳美不爲察察明自謂平平耳
未須走原隰但使心如水儻無耳目蔽庭戶即千里
頃聞上封章便欲返桑梓其如矍鑠姿難着湖山裏
春風一扎下趣往觀天咫新淶渺滄洲揚舠一何駛
士方處遠外憂國抱蘊底寧應立君前輔車有或杞
煌煌四門開側席問民瘼百慮頓畢陳高風泚餘子
次韻元晦擇之雪中見懷
流水浩無息游雲去不休我思在何許起步三徑幽

男子四方志胡爲守一丘盍簪未可期此意空網繆
平生子朱子砥柱屹橫流探古獨遐觀萬象供雙眸
結友得林子苦心事窮搜看渠清介姿便可披羊裘
昔者千里駕共我風雪遊永言清絕景祇以好語酬
居然隔年別却喜翰墨留詩來尚記憶知子不我尤
講習今難忘離索古所憂但當勉耕耘歲晚儻可收
送甘甥可大從定叟弟之桂林

季也有行後我思獨悠悠親朋非不多子能從之遊
挂席上湘水青山挾行舟籃輿問嶺路政爾荔子秋
人言桂林好頗復類中州近郊多勝槩雉堞冠層樓

待渠幙府暇時與同冥搜吾子有令姿胃中富九流
處世多齟齬但當付滄洲超然擴遐思詎可耳目謀
願為百鍊剛莫作繞指柔昔人不吾欺子盍試及求
預想他年歸此地復綢繆刮目看二子 笑紆百憂
湘中館餞定叟弟分韻得位字

江樓倚夜闌樽酒留客醉挽衣更小語不盡今夕意
吾家德義尊此豈在名位勉哉嗣芬芳停此寬別思
廣漢黃仲秉即轉運使所治之東作亭扁以楚
翠蓋取杜陵所謂楚岫千峯翠者屬客賦詩
維衡屹南荒作鎮自開闢蟠根結地厚面勢倚空碧

陔陘數州境高下相接迹麓山乃其趾神秀固未
定王十里城處處見山色知誰長在眼嗟此塵中客
觀風君獨暇延納到几席得句恍忘言寄興渺今昔
自君之東來民瘼極探索仁言徹九關寧懼虎豹厄
誦詢遍南畝民肥吾則瘠築亭一舒嘯遠此百憂際
看山儻不愧隱几亦聊適寄與後來者此意當無斁
三茅觀李仁父劉文潛負顯道趙溫叔崔子淵
置酒分韻得高字

節物歲云暮九衢塵滿袍起我二三友招要步林皋
仰看冥飛鴻俯覽千丈濤石徑上深窈竹風更蕭騷

杯盤自真率更起瀉濁醪嘆我會合難慰我涉歷勞
薰然鄉社遊飲少意已陶我亦壽長者萬里欣所遭
嗟哉事業艱逝矣日月滔古義重金石外物真秋毫
願言共勉厲勿負岷山高

寒食前三日野步烏龍山中石上往往多新芽
手撚盈匊酌玉泉煮之芳甘特甚有懷伯承九
賦此以寄

披雲得新腴煮泉聽松風香永味自真不與餘品同
悠然薄莫留歸來隱跡鍾念昔湘濱游年年撚芳叢
暹日照高嶺新雷驚蟄龍落磴快先吸鼓腹欣策功
夜燈紫筠窻香生編簡中誰與共此樂臭味有鄰翁
謁來七里城日月轉飛蓬山川豈不好予憂日冲冲
酌此差自慰思君復無窮

六月晦發雲川廣德兄與諸友飲餞于漁山已
而皆有詩贈別寄此言謝

平生茗雪夢邂逅此登臨青山秀而遠溪水潔且深
浮玉千古色飛鳳何年音小丘闢荒蒼修竹初成林
居然得此客領畧還披襟已歌棠棣詩更作伐木吟
凡嗟弟行役友念朋盍簪情深語更質意到酒自斟
荷風生薄莫涼雨洗遙岑翻然放舟去別緒故難任

我行日以遠佳趣長會心作詩寄餘韻併以謝幽尋

遊靈巖

我登姑蘇臺笑指前溪水水從具區來古色映清泚
明朝泛舟去兩岸雜蘋芷縈紆知幾曲舉目皆可喜
稻熟千頃黃秋入四山紫踈鍾度橫塘青帘穿野市
忽驚秀氣逼突兀平地起飛閣出林顛窈石滿山趾
寨棠上深徑鳴蟬聲聒耳木罅露遐觀欲進足屢止
梵宮開何年金碧煥相倚上方納湖光千里淨如砥
中峯何亭亭正爾當燕几沙閣鷗鷺微水落魚龍徙
雲遶闔閭邦草迷於越壘琴臺俯香徑不念前王侈

茲山自古今評此能為寂老松獨堅卧根株互盤峙
頽然閱滄波愛此青未已我來三日留幽事付行李
領畧寧有窮登臨聊可紀

遊惠山

茲泉幾歲月復此慰涓心諒惟獨鍾秀源委來何深
在昔抱幽獨邂逅逢賞音希聲聽者難至味乃可尋
兀坐正亭午涼風度清陰於焉有深晤三嘆復微吟

遊池州齊山

舊聞齊山勝抱病來登臨蒼然俯平湖秀出幾百尋
穿石天與巧修篁近成林高攀極巉巖俯探窮窈深

愛此堅貞姿摩挲會予心憶行西湖岸亦復多欽崆
頗恨人力勝刻畫時見侵誰知醜石面乃亦變孔壬
何如榛莽間屹立長森森天然抱幽獨妙質逢賞音
支筇到絕頂孤亭指遙岑樊川有留詠兀坐一長吟
齊山石壁間見林擇之題字緬懷其人賦此
平生子林子一別今幾春寧知林壑中忽見題墨新
嶢嶢屹蒼石恍若對其人徘徊不忍去我懷誰爲陳
自子來江東相去亦已邇謂當復相逢跋首日望子
云何竟差池又此隔千里憑高义佇立飛鴻渺煙水

過馬當山

千秋馬當廟千尋獅子磯寒風起崖腹慘澹含陰威
孤帆駕巨浪瞬息洲渚非忠信儻可伏神理茲不違

題乖崖堂

平生乖崖公及此拜仿佛凜然風埃外餘子避英爽
憶公昔正色抗論指邪枉念當絕其根所畏日茲長
晴空轟雷霆下土走魑魍云何廊廟姿半世江海
徒令治郡聲迄今滿天壤論相危及公亦豈坐偶彊
嗟哉彼隘俗利欲扼其吭聞公卓絕風吐舌仍儻恍
豈知古之人事業係所養臨機随手應如爬適苛瘡
李侯亦高世希蹤自疇曩萬里見丹青高堂闢虛敞

琅琅壁間記讀者興慕仰我來歲云莫霜林振餘響
嘆息重徘徊題詩詔吾黨

張子携二子西歸求予詩為賦此以致鄉鄰
之義

窮冬泝荆江風急波濤怒張君一葉舟追逐任掀舞
時從古岸邊頗得班荆語君家岷山下須眉挾風雨
萬里重橐歸問君自何苦兩兒繞過膝秀色隱眉宇
昨者試省中旁觀正如堵誦書聲琅琅亦復記訓誥
呼前與酬答進止良應矩我為三谷嗟每見必摩拊
祝君須愛惜事業貴有序美質在陶冶如器無苦窳

道遠方愁予速成戒自古可使利欲風居然熏肺腑
良心人所同愛敬發端緒岷江本一勺東流貫吳楚
但當養其源日進自莫禦君歸閉門思予言或可取

過洞庭

城頭鷄一號浩蕩風脚回篙師起相呼牽帆上高桅
我亦推枕聽波浪聲轟颺窻間試一覘萬頃銀山開
附火且安坐念此亦快哉良久天平明已見金沙堆
泊舟古廟底吾色動輿臺我行正長夏及此歲律催
通籍恨亡補敢賦歸去來所至有何忙妙處姑徘徊
險阻元自平鷗鳥亦不猜萬事有定理渠謾費安排

明朝上湘水雪意正栽培行矣一杯酒好在故園梅
次韻陳寺丞建除體

建議了亡補歸來謝馳驅除荒城南丘有田十畝餘
滿城車馬喧得此逃空虛平湖永晝靜泉聲雜填竿
定自非偶然供我耳目娛執熱者誰子來浣塵土禴
破顏爲我笑共看雲卷舒危機起於中胡越生同事
成功妙克已八荒元一區收心試參此得失竟焉如
開緘得君詩嗜好如我迂閉門君未可出處本非踈
湖南叅議宋與道奉祠歸崇安里中賦此以別
憶昔歲丙寅束書從吾翁驅車服嶺南弭節湟江東

湟江地僻左窮年少過從邂逅傾蓋友一笑蠻煙空
秋水泛孤艇春郊支短筇琴書適有餘酬唱寫不供
豈惟吾曹懽固足愉親容日月遽如許于今再星終
中間亦會面別去復轉蓬歸來洞庭野乃此相迎逢
回首嘆風樹欲語悲填膺愛君堅忍姿凜凜霜後松
徐公真有常意味與曩同而我學不進長大加愚蠢
幸蒙故人惠苦語相磨礪梅霖漲宿潦行李何匆匆
自云祠庭樂遠勝千戶封將兒更抱孫絲衣映諼叢
搜竒萃圖刻攷古羅彝鍾知君頗挾此詎信詩能窮
同里有佳人抱獨環堵中未妨閒暇日更共討論功

它時有新得為寄冥飛鴻

嚴慶曾射策南歸迂途相訪六月二十有一日
同遊城南書院論文鼓琴煮茶烹鮮徘徊湖上
薄莫乃歸明日作別書此為贈

炎暑盛三伏駕言得清游城南才里所便有山林幽
崇蓮炫平堤修竹緣高丘方茲閔雨辰亦有清泉流
舉網鮮可食汲井瓜自浮絲桐發妙音更覺風颼颼
喜無舉業累獨有講學憂逮子閒暇日微言要窮搜
譬如治田者龜勉在勿休但勤穰黍功勿作刈獲謀
雖云千里別豈無置書郵祝子時嗣音慰我日三秋

長沙歷冬無雪正月十日與客登卷雲亭望西
山始見一白莫夜復大作竹聲蕭然是日坐上
分韻得雲字

冬溫氣苦盞玄冥未書勲薄雪斲餘臘一夜收楚氛
驩欣想農圃潤澤到高芹我亦破曉出喚客來卷雲
蒼蒼西山樹棲此萬鶴群爽氣入病眼幽懷愜前聞
意到自舉酒語多祗論文薄莫勢未已飛花復續紛
還將蕭瑟敲一一付竹君洗酸且更酌清絕未酣醺

次韻周畏知問訊城東梅塢七首

城東幽事如許一見定勝百聞苦雨斜風無奈斷橋

流水餘芬

誰知牛鐸黃鍾寡和陽春白雪如君句法飽參妙處
不關言說

春意新回庭樹角聲莫起江城更着水僊爲伴真成
難弟難兄

可是看花不厭城南更欲城東多謝諸君着語莫教
孤負春風

堤上已重新柳屋邊尚有殘梅雪盡春生湖水野航
竟日悠哉

人情自爾變遷此道不渝燥濕未妨靜處閑觀要知
二五即十
短筇遍歷溪山欵段時尋鄰里遇酒聊一中之得句
亦偶然耳

別離情所鍾十二章章四句送定叟弟之官嚴
陵

別離情所鍾會合意無數如何僅踰歲復賦弟行役
歲律亦已暮風烈雪漫漫去路阻且長念子衣裘單
嚴之水淪漪其山復蒼蒼子陵釣游地草木有餘光
我昔臨此州民容拙使君子行爲多謝慰彼無毫分
別駕亦何事休戚理則同但使民受惠無論別駕功

巍巍孤高亭念我昔所喟子也時一登千載起立志
其在嚴陵嘗爲宋廣平立孤高亭

義路本如砥利徑劇羊腸何以書子紳世德不可忘
自昔謹交際人情易因循敬始以念終君子貴守身
鄰邦呂正字質疑時以書校官有袁子苦語莫厭渠
貌茲遺體重相對子與予祝子以自愛念不忝厥初
雲滿南陽陌書藏善和宅行行重回首無使歸思隔
送子目力短朔風吹我裾心焉獨如結子也當念予

平時兄弟間十三章章四句送定叟弟之官桂
林

平時兄弟間未省別離味別時已不堪別後何內慰
庭萱既荒蕪綵綬委塵土予嘆子咨嗟寒窓夜風雨
逮此閒暇日賴有先世書與子共紬繹舍去情何如
嗚呼忠獻公典則垂後裔遺言故在耳夕陽當自厲
何以嗣先烈匪論達與窮求惟正大體不遠日用中
履度如履水猶恐有不及毫釐儻不念放去如決拾
事業無欲速燕逸不可求速成適多害求逸翻百憂
南山有佳木柯葉正敷榮願圖歲晚功大用寧小成
歲晚豈不念風雨漂搖之但當護木根紛紜爾何爲
嶺海坐清靜府公金玉姿幙府省文書簡編可委蛇

十步有茂草會府宜多賢親仁古所貴更誦伐木篇
聞之元城公南州宜止酒止酒縱未能少飲還得不
子行日以遠我思日以長政或少閒暇書來不可忘
芭蕉茶送伯承伯承賦詩三章次韻

與子藝蘭九畹勝渠賜璧一雙更碾春風白雪同看
明月清江

正色可參官焙妙香還近嵇山草木叢中清絕天教
散在人間

春去雲藏嶽麓梅黃雨漲昭潭政爾倚欄無那一甌
喚起清談

賦遺經閣

生世豈云晚六籍初未亡向來言外旨矐視多茫茫
隱微會見獨如日照八荒始知傳心妙初豈隔毫芒
絕學繼頽孟淳風返虞唐讀書無妙解數墨仍尋行
况復志寵利荆榛塞康莊自云稽古功此病真膏肓
君家屹飛閣面對羣山蒼匪爲登臨娛牙籤富貴藏
邀予爲着語會意詎可忘一浣漢儒陋活法付都郎

三友堂

寒牕政爾念蕭瑟况復故人踈近音憑欄爲子賦三
友便覺冰霜千古心

初春和折子明歲前兩詩

古今同活法妙處在阿堵浮雲不作崇白黑可坐數
窮冬掩關卧豈爲作詩苦挑燈讀書編至味可深咀
新春風雨中日日鳩鳴屋小園政可步柰此泥泥足
却坐問樽酒知足乃不辱一杯徑陶然敢羨車載麴

和德美韓吏部筭詩

籀龍春雨後得勢類乘軒驟長寧嫌速駢生詎厭煩
錯連非異族蒼老見玄孫色並蒲葵扇香侵老瓦盆
靜依花影轉新帶藪文昏外羨看彪炳中虛驗晏溫
出欄俄競秀侵徑恍孤騫頽脫錐囊見森嚴武庫存

風回飄粉霧龜折露坤垠生理知無息神功本不言
牙籌誰數箇玉斧莫傷根錯立環兵衛周羅儼翰藩
危岑遙寸露睹浪忽驚奔勁節回青眼齊觀壯小園
巖凝難奪志露霖合知恩蛟鰐蟠深宅牛羊隱半垣
委蛇隨戶牖撐拄動荃蓀愛惜茲千畝高低辨兩番
藐真應莫稱著譜欲重論豈止同苞茂真成後嗣繁
兒童防戲折口腹謝空殮深夜共椽濁清朝列戟門
於菟真筆徒季子屢髯掀北海雖頻設南山可盡髡
深培資後賞獨倚莫消菟看取炎歊候清陰陰午暝

生辰謝邵廣文惠仁者壽賦

南軒文集卷二
十七
左孤念當辰藐此卧歲晚重雲不予蔭敢望滋九畹
南鄰有良朋敏質快鋌建進道方駸駸吐辭看衮衮
妙語極吹噓至理屬關鍵嗟予澹泊好學植自穠藜
豈能益涓涘感子意繾綣昭然隱微中當念仁豈遠
起知妙乾體實理踐坤簡大易乃在我亘古當一本
期君得真傳來以息了道

南軒先生文集卷第二

